

§. I.

Constructio sequentium Tabularum.

Constructio Tabularum hac est. In paginis sinistris continentur quantitates semidiurnæ pro Signis Borealibus, in dextris quantitates semidiurnæ pro Signis Australibus. In vertice paginarum sinistrarum exprimuntur numeris altitudines poli, pro quibus seruiant Tabulæ. In lateris sinistri columna prima continentur gradus terni trium Signorum ν , γ , π , dispositi ordine à summo deorsum; in columna secunda, dictorum trium signorum Characteres; in tertia, dies mensium signis & signorum gradibus respondentes; in quarta, nomina mensium. In lateris dexteri columna prima ad dexteram continentur gradus terni trium Signorum σ , ρ , τ , dispositi ordine ab imo sursum; in columna secunda, ipsa tria signa; in tertia, dies mensium signis prædictis correspondentium ordine retrogrado; in quarta, nomina mensium. In columnis intermediis continentur quantitates semidiurnæ respondentes lateralibus signis, mensibus, gradibus, diebus, in locis quorum altitudo poli superscripta est.

In vertice paginarum dexterarum exprimuntur numeris eadem altitudines poli, quæ in sinistris sunt expressæ. In lateris sinistri prima columna continentur gradus terni Signorum μ , ν , ζ , dispositi ordine à summo deorsum; in columna secunda, ipsa signa; in tertia, dies mensium correspondentium; in quarta, nomina mensium. In dexteri lateris columna prima sunt gradus Signorum ι , κ , λ , dispositi ordine ab imo sursum; in secunda, ipsa signa; in tertia, dies mensium correspondentium; in quarta, nomina mensium.

Eodem prorsus modo Tabulas quantitatis dierum & noctium disponit P. Clavius in Commentariis ad Caput 3. Sphæræ, ex quibus sequentes desumpsi. Alii aliter easdem disponunt.

Sed hic ordo mihi magis arridet, quàm aliorum, quia non tantùm gradus signorum, sed etiam dies mensium continent.

C g g g 2

§. II. Usus